

D+S
M

Charité-a pi gran

Mt 22,34-40

30^e d. o. A

Musique: 14-02-1994, Ss. Cyrille et Méthode

Paroles: 03-11-2008, S. Martin de Porrès

Harmonisation du couplet : 11-11-2008, S. Martin de Tours

12-11-2008, S. Josaphat

1. Farizyin yo tandé Jézu Mt 22,34-36
 Fèmin bouch Saduséyin yo,
 Yo vi-n fè yon rasanbléman,
 Yo mét tèt ansanm ;
 Youn nan yo, savan nan laloua,
 Késioné pou anbarasé-l :
 « Mèt, kilès kòmandman ki gran
 Andédan laloua-a ? »

- R. Charité-a sé laloua-a** Mt 22,40 ; 7,12
Nan tout dimansion-l. R 13,30 ; Ga 5,14 ; Lv 19,18

2. Li minm minm li di li konsa : Mt 22,37-39
 « Ou-a rinmin Granmèt Bondié-ou la Dt 6,5 ; Ps 18,2
 Ak tout kè-ou ni ak tout nam ou
 Ni ak tout léspri-ou.
 Sé gran ak prémié kòmandman.
 Dézièm nan sanblé avèk li :
 Ou-a rinmin sa ki prochin-ou nan
 Tankou pròp tèt pa-ou ». Lv 19,18

3. Sé nan dé kòmandman sa yo Mt 22,40
 Tout laloua-a nèt pandié anlè,
 Ni profèt yo ansanm ak li,
 Tankou nan krochèt.
 Prochin-an sé pòtré Bondié,
 Si-n rinmin Bondié nou pa ouè, Gn 1,26
 Fò-n rinmin prochin-an nou ouè 1 Jn 4,20
 Pou-n nan vérité.

4. Pa fè étranjé-a lapinn Ex 22,20
 Pa fè-l sibi okinn afron,
 Nou tout sé étranjé nou yé, Jer 22,3
 Pasé n-ap pasé, He 11,13 ; Gn 23,4 ; Ps 39,13 ; 119,19 ; Lv 25,23 ;
 Nou pa gin okinn vil sou tè 1Chr 29,15 ; Ps 24,1 ; 1 P 2,11 ; He 13,14 ;
 Ki rélé-n « chè-mèt, chè-mètrès », Lc 9,58
 Véritab patri nou ginyin Ph 3,20
 Sé anro nan sièl.

5. Pa trakasé moun ki vèv la, Ex 22,21-23
 Ni pitit ki òfélin-an : Pr 22,22-23
 Si nou fè yo kichòy ki mal,
 Y-ap rélé Bondié.
 Sé li minm k-ap défann kòz yo
 Tankou moun ki nan fanmiy yo
 Si nou fè yo sa-k pa kòrèk
 Sé Bondié nou fè-l. Mt 25,40

6. Si-n prété lajan bay yon pòv, Ex 22,24
 Pa kolé sou li pou-l rinnèt, Dt 15,7-8
 Pa krazé-l pou fè-l péyé plis
 Pasé sa-l prété ;
 Dèt nou doué Granmèt la pi plis,
 Li lavé tou sa-n doué ak san-l ;

- Jan-l rinnèt nou tout dèt nou yo,
Nou doué fè konsa. Mt 18,33 ; 6,12
7. Sa-k grangou sé pou-n ba-l manjé,
Sa ki souaf sé pou nou ba-l bouè,
Sa-k étranjé fò-n résévoua-l,
Sa-k ni-kò, ba-l rad,
Sa-k malad fò nou vizité-l, Mt 25,35
Sa-k nan prizon fò-n al koté-l,
Sa-k mouri sé pou-n antéré-l,
Sé mizérikòd. Mt 25,36
8. Sé pou nou abiyé tèt nou
Avèk zantray mizérikòd
Pou-n gin bon jan, pou-n rabésé-n
Dévan tout lòt yo. Col 3,12-13
Fò nou dou, fò nou gin pasians,
Fò nou youn konn sipòté lòt,
Fò nou padonnin antré nou
Jan Granmèt la fè-n. Ph 2,3
9. Anlè tout bagay sa yo minm
Sé charité-a pou-n ginyin
Sé li minm chinn nan ki maré
Tout bagay kòrèk.
Sé pou lapè Kris la dansé
Jous andédan fin-fon kè nou,
Sé nan li minm yo rélé nou
Pou-n fè yon sèl kò. Col 3,14-15
10. Sé rinmin sèl ki mérité
Pou yo kouè sa li déklaré,
Sé signatu-an li pozé
Anba sa-l ékri.
Jézu-Kri mouri sou lakoua
Pou-l montré jan Bondié rinmin-n,
Sé Révélasion-an l-signin
Avèk pròp san pa-l.